


Alkitab Anggen Anak Alit

Muzisat Ida Hyang Yesus



Kasurat olih: Edward Hughes

Kaperagayang olih: Byron Unger; Lazarus
Alastair Paterson

Ka tempa saking: E. Frischbutter; Sarah S.

Ka dwi aksarayang olih: Ni Luh Mastri Ayu Caerina;
Pdt I Gusti Made Alit Purya

Kakaryanin olih: Bible for Children
www.M1914.org

©2023 Bible for Children, Inc.

Perarem: Ida dane dados nerjemahang utawi nyalin carita puniki,
nanging nenten dados ke adol.



Ida Hyang Yesus liu pesan ngadakang muzisat. Muzisat-muzisat Idane nyinahang Ida Hyang Yesus jati-jati dadi Putran Ida Sang Hyang Widi. Muzisat ane kaping pisan kaadakang dugase ada pesta perkawinan. Dugase ento ada masalah. Anggur buat tamu undangane tusing cukup.



Diah Maria, Ibun Ida Hyang Yesus, nyeritayang masalah ento ring Ida, lantas ia masi mrentahan para pelayan pesta apange nuutin ape ja ane lakar keprentahan olih Ida Hyang Yesus.




“Bekin gentong-gentonge isinin yeh!” pangandikan Ida Hyang Yesus. “Yeh?” atur pelayan-pelayane ento. Beneh pesan, yeh ane katunas Ida Hyang Yesus.




Ida Hyang Yesus mrentahang
pelayan-pelayan ne ento
nyedok yehe ento uli
gentonge lan ngaturang
teken majikin ane ngelah
tanggung jawab di pestane
buat nyicipin. Yeh ento
sube dadi anggur.
Anggur ane
paling jaen, ane
paling melahe.





Pelayan-pelayan ne pada bengong. Ida Hyang Yesus ngubah yehe dadi anggur. Tuah Ida Hyang Widi ane prasida ngadakang muzisat buka totonan.




Ida Hyang Yesus ngadakang muzisat-mujisat ane lenan. Rikala sandikala, Ida sareng sisian Idane singgah jumah dane Petrus. Matuan dane Petrus sedeng sakit demam.



Ida Hyang Yesus ngisi liman anak istri ane sakit ento. Sing ja ngantosang makelo, anak istri ento seger. Dane bangun ngayahin Ida Hyang Yesus lan para sisian Idane.




Asanange makejang
warga kotane
mepunduh di diepan
umah dane Petrus,
petenge ento. Anak
buta, bongol lan
lumpuh. Ada masi
anak ane keraksuk
oli kuasan setan
tangkil ring Ida
Hyang Yesus.
Apeke Ida nyidang
nulungin ia ajak
makejang?



Ida Hyang Yesus, Putran Ida Sang Hyang Widi prasida nulungin.
Lan Ida wiakti nulungin. Makejang anake ane tangkil ring Ida
tulongina. Anake ane mejalan nganggon tungked seumur idupne
nyidang melaib tur jinggrag-jingrag.



Anak anne lenan teka,
anake ento gobane kucel
uli krana ia nandang
pinakit lepra.



Ane jani ia nyidang buin
cara setonden ia sakit,
kulitne putih kedas, Ida
Hyang Yesus ngadakang
ia nyidang seger.



Anak muani-muani lan luh ane kerangsuk baan kuasan setane tangkil ring ajeng Ida Hyang Yesus. Ida Hyang Yesus mrentahang apange i setan pesu uli anak-anake ento.

Setane nyak nuutin Ida Hyang Yesus lan ia takut pesan, anake ane setata inguh ane jani sube nyidang idup tentrem lan raharja.




Di durin anake liu, ada anak muani ajak patpat nulungin timpalne tangkil ring Ida Hyang Yesus. Sakewala ia tusing nyidang maekin Ida Hyang Yesus.



Ditu lantias anake ajak patpat ento negen
timpalne abane menek duur rab umahe.

Uli duur umahe ia nuunang timpalne
ane sakit. Ane jani ia nyidang
tangkil ring Ida
Hyang Yesus.



Ida Hyang Yesus nyingakin anake ajak patpat ento anak ane ngelah iman. Ida Hyang Yesus ngandika teken anak sakit ento, "Dosan semeton suba kampurayang. Jemak tingtingan tikeh semetone lan lautang majalan!" Anake ane sakit ento mejujuk, seger lan kuat. Ida Hyang Yesus ngadakang anak ane sakit ento seger.




Sesubane Ida nyegerang anak sakit ento, Ida Hyang Yesus ane jani ada di jukunge ngajak para sisiaan Idane. Angin baret ngranayang yeh pasihe meklencokan. Ida Hyang Yesus sedeng sirep. Para sisiaan Ida Hyang Yesus pada takut lantas ia enggal-enggal mangunang Ida Hyang Yesus. "Guru tulunginja apange iraga selamat, ipun jerit-jerit ngidih


tulung. "Iraga lakar nyilem!"



“Tenang ja!” Ida Hyang Yesus namprat ombake ento, prejani yeh pasihi nadi tenang. “Nyenke sujatine anake ene?” Sisian Ida Hyang Yesus ngomong kisi-kisi ajak timpalne. Angin muah pasihe nuutin prentah Idane. Ia percaya Ida Hyang Yesus Putran Widi uli krana ia nyaksiang Ida Hyang Yesus ngadakang muzisat, ane nyinahan kemulian Ida Hyang Widi. Para sisian Ida Hyang Yesus tusing nawang unduke ento. Sakewala ia lakar nyaksiang Ida Hyang



Yesus ngadakan muzisat ane hebat rikala Ida ngayahin Ida Sang Hyang Widi, Ajin Idane di tengah-tengah manusane.



Muzisat Ida Hyang Yesus


Wenten katuturan carita saking pengandika Ida sang Hyang
widi mewasta Alkitab,

dados sobyahang ring

Matius 8-9, Markus 1-2, Markus 4,
Lukas 4, Lukas 8, Yohanes 2

"Pemargin saking pengandika Ida Ngicenin Karahayuan."
Mazmur 119:130





Puput

40

60



Carita ring Alkitab puniki nyaritayang indik Ida Hyang Widhi mahotama sane ngripta iragane tur sane mapikayun iraga nguningin Ida.

Ida Hyang Whidi uning iraga sampun melaksana sane iwang, sane kaucap antuk papa. Papongoran antuk jadmā sane melaksana papa inggih punika lepas utawi padem, sakewanten Ida Hyang Whidi dahat sutresna. Ida raris ngutus okan Idane sane meraga tunggal, sane mapesengan Ida Hyang Yesus Kristus, mangda Ida lepas ring taru Salib tur kapongor sangkaning kaiwangan iragane. Ida Hyang Yesus urip malih tur mantuk ka Suarga loka! Yening ragane pracaya indik Ida Hyang Yesus tur mapinunas mangda Ida ngicenin pangampura antuk keiwangan-kaiwangan iragane, Ida jagi nglaksanayang!

Ida jagi rauh tur meneng ring sejeroning pareragan ragane sane mangkin, tur ragane jagi nyeneng sareng Ida ngantos riwekasan.

Yening ragane pracaya indik kepatutan punika, nikaang puniki ring Ida Hyang Widhi: Ida Hyang Yesus, tityang pracaya pareragan Idane sawiakti Ida Hyang Parama Kawi, nanging Ida nyeneng dados manusa sane lepas santukan nebasin kaiwangan iragane, tur sane mangkin Ida pacang urip malih. Dumogi Ida rauh ring kauripan iragane lan ngicen pangampura antuk keiwangan iraga makesami, sane ngawinang irage madue keuripan sane anyar tur buin pidan irage pacang meraga siki sareng Ida. Wantu tityang satinut sareng titah Idane tur idup daos pianak Ida, Amin.

Ngiring ngewacen Alkitab tur mapitatur sareng Ida Hyang Widhi ngerahina! Yohanes 3:16

